









**AWIG – AWIG  
DESA ADAT TEGALLANTANG**



**KELURAHAN : UBUD  
KECAMATAN : UBUD  
KABUPATEN : GIANYAR**

**KETERANGAN LOGO  
(SIMBUL DESA ADAT TEGALLANTANG)**

1.  Segilima = Pam ikukuh desa adat : Pancasila
2.  Rantai = Persatuan
3.  Padi kapas = Lambang kesejahteraan
4.  Tangan kanan - kiri = Rwa Bineda
5.  Gata (Jun) dengan gambar kembang berdaun tiga helai  
Jun berisi air (Alam pikiran, ucapan, tindakan) manusia  
Kembang berdaun tiga = Tri Hita Karana (Pam ikukuh) Desa adat
6.  Padma berdaun delapan dengan gambar Swastika = Lambang agama Hindu
7.  Ongkara = Aksara suci (Ang, Ung, Mang) simbul Sang Hyang Widhi
8.  Hanya Dharm a (Satya) tetap (selalu) jaya (menang)  
Stayam Evam Jayate

MURDHA CITTA

Om Swastyastu, Om swighnamastu Nama sidham,  
Putusing Sabha Krama Desa Adat Tegallantang gunawe Awig-awig  
Desa Pakraman maka sepat siku-siku Pamatut, wastu kasidhan  
Prayojanan nemi kabeh prasama anghidepmwah smagehaken kadi  
litin Awig-awig iki.

SARGA I

ARAN LAN WAWIDANGAN DESA

PAWOS 1

- (1) Desa Adat puniki mawasta Desa Adat Tegallantang  
(2) Jebat kakuwub wawidanganya mawates nyatur :  
a. Sisi Lor : Desa Adat Junjungan  
b. Sisi Wetan : Desa Adat Kutuh  
c. Sisi Kidul : Desa Adat Taman Kaja  
d. Sisi Kulon : Desa Adat Bentuyung  
(3) Desa Adat Puniki kawangun antuk karang paumahan sina  
nggeh palemahan Desa pakraman.

SARGA II

PATITIS LAN PAMIKUKUH

PAWOS 2

Desa Adat Tegallantang puniki ngamaggehang pamikukuh,  
minakadi :

- a. Pancasila  
b. UUD 1945 pamekas pasal 18  
c. Perda. Prop. Dati. I Bali No : 06 Tahun 1986  
d. Tri Rita Karana manut snda cara Agama Hindu

Luwir Patitis Desa Adat Tegallantang :

- a. Mapikukuhin lan ngrajegang Sang Hyang Agama, linggih punika Agama Hindu
- b. Nginggilan tata Prawertine magama
- c. Ngrajegang kasukertan Desa saha Pawonganya sami sakala lan niskala.

SARGA III

SUKERTA TATA PAKRAMAN

PALET 1

Indik Krama

PAWOS 4

31/1 - 05

(1) Sane kabawos Krama Desa Adat Tegallantang :

- a. Sahananing kulawarga sane jenek ring wawidangan Desa Adat sane magama Hindu lan ngamong karang ayahan Desa.
- b. Sane sampun marabian ngamong utawi tan ngamong karang Desa tur nyungsung Kahyangan Tiga
- c. Kulawarga sane mawed sakeng Desa Adat Tegallantang, magenah ring dura Desa malarapan ngarereh pangupa jiwa lan wigunanya.
- d. Kulawarga sane ngamong karang guna kaya magenah ring wawidangan Desa malarapan antuk suka lila

(2) Sajaba punika kabawos tamyu.

- meyakini diri iing pun ageng
- Sura panyato saling dera arel
- Kemi penanjung batu Rp 1.200.000 (3 karang beras)

↳ Pansuk :

- Rp 20.000 (nyabran 6 sisih)

Krama Desa Adat Tegallanteng kepalih dados 4 soroh :

- a. Krama ngarep, krama sane ngemong karang ayahan Desa
- b. Krame ngempi, krama sane tane tan ngamong karang ayahan Desa
- c. Krama tapukan, kulawarga sane manut ring ajeng sakewan ten dereng antea ngayah (sane lanang durung mayusa 17 warsa, sane istri durung mayusa 16 warsa). *nyatin - piatu*
- d. Krama balu, kulawarga, manut aksara katinggal a seda olih lanang utawi istrinyane utawi sangkaning nyepihan.

Pawos 5

Kawit dados Krama Desa :

- a. Kulawarga sane magama Hindu sane ngawit jenek mapumahan ring wawidangan Desa Adat
- b. Rauh saking Desa Sewosan jumenek tur maduwe karang ayahan Desa/guna kaya sane magama Hindu, sangkaning patilar raha, yu saking Desanya wenang ngamedolang batu-batu sapisan kwehnya manut pararem.
- c. Melarapan antuk pawiwahan, perti sentana saking sasurat tan a, b ring ajeng.

Pawos 6

Panemaya tedun makrama :

- a. Ngeatosin ayah lingsirnya, tedun premangkin
- b. Ngantos + 6 sasih mawiwit pawiwahan.

- 4 -

Pawos X 7

Sahananing krama Desa keni tategenan luiire :

- a. Krama marep, urunan lan ayahan mamungkul,
- b. Krama ngempi, urunan pawangunan lan ayahan mamungkul, yan rerampen separo sakeng ayah marep.
- c. Krama tapukan, yan prede makarang urunan mamungkul, yan tan makarang pateh sukadi ayah ngempi sakewanten ayah luput
- d. Krama Balu keni urunan mamungkul ayahan manut ring kawentenan balunya.

Pawos X 8

Krama Desa kadadosang :

- a. Mapuwangkid utawi tan teduh rikala mapawangun, mayadnya, matepetin, sungkan, kaluwasan manut pararem :
- b. Nyuksukin, sane kawentenan risampun munggah deha taruna (sane lanang 17 warsa, sane istri 16 warsa) tur mrasida yang nganutin krama.
- c. Naub ayah seantukan magenah ring dura Desa ageng elit pana ub manut pararem
- d. Nyada/ ~~ngamedalang~~ <sup>ngamedalang</sup> ayah risampun mayusa 70 warsa tur tan dados nyuksukin.

Pawos X 9

Wusan dados Krama Desa luiwre :

- a. Pinunas ngraga, kesah ka dura Desa
- b. Kanorayang antuk Desane maka jalaran :
  - a. Pastika wenten sudosan ipun
  - b. Ten tinut ring sadaging Awig-awig Desa Adat
  - c. Ketiwakin pamidandar manut pararem
  - d. Ten tinut ring pituduh prajuru indik nyupat raga ngesshin salah suprawerti
- e. Ten polih pahpahan padrewean Desa.

- 5 -

Palet 2

Indik Prajuru/ Dulun Desa

Pawos 10

- (1) Desa Adat kaenteng olih Bendesa Adat
- (2) Bendesa Adat kaadegang malarapan antuk :
  - a. Mawiwit sakeng Krama Desa Adat sane jumedek ring wawidangan Desa
  - b. Mayusa sakirang-kirang ipun 18 tiban utawi sampun marabian
  - c. Kacatri olih Paruman Desa Adat
  - d. Madeg salami 5 (lima) warsa
  - e. Pinih suwe karajegang Bendesa Adat 2 pamadegan (10) warsa
  - f. Sanistanya tatas uning maca-tulis aksara Bali/ latin
  - g. Uning ring indik Adat lan Agama

Pawos 12

Bendesa Adat kasanget olih

- a. Pangliman/patajuh saka wakilnya
- b. Penyarikan pinaka juru surat
- c. Patengen pinaka pangamong Druwan Desa
- d. Kasinoman pinaka juru arah, magentos nyabran 'sasih

Pawos 12

Swadharmaaning Bendesa Adat

- a. Ngenterang sahananing pamargin Awig-awig lan pararem Desa
- b. Nuntun, ngenterang Krama ngupadi kesukertan krama manut patitis
- c. Mawosin miwah miwani pamutus ring sahananing wicara warga Desa
- d. Maka Dutta Krama Desa ring sapisira ugi
- e. Tata cara ngalaksanayang swadarmane ring ajeng tan maren patut manut ring Awig-awig

Pawos 13

Olih - Oliha Prajuru luwire :

- a. Luput luwirpakenan - kenan (rerampen) piodalan
- b. Upon - upon tanah pecatu manut pararem
- c. Cenengen sahananing duman ring Desa
- d. Muang sane tiosan manut perarem

Pawos 14

(1) Prajuru kagentosin diantukan :

- a. Seda
- b. Kanorayang awaning iwang pamargi utawi nilar sesana
- c. Sampun panamaya pamadegan
- d. Ngentosin Prajuru wenang nganutin perarem, utawi sajaroning paruman tur kaingkupin olih Krama Desa

Palet 3

Indik Kulkul

Pawos 16

- (1) Kulkul ring Desa Luwire :
  - a. Kulkul Desa
  - b. Kulkul Banjar
  - c. Kulkul Sekas - sekas
- (2) Kulkul Desa/ Banjar tan Wenang katepak yan tan saking pituduh prajuru Desa/ Banjar sajawaning tengeran Bhaya.
- (3) Tabuh Tatepakan Kulkul Kadi Ring Sor :
  - a. Duang tulud banban : nedunin mekarya utawi parum/ sangekep manut sakadi arah - arah
  - b. Atulud banban : sinalih tunggil warga Desa Nganten
  - c. 9 ketentuan tabuh telu : ngawangdeyang karya
  - d. 3 tulud bulus sinalih tunggil : wong Desane keni jiwa bhaya lan artha bhaya (kaak), kamalingan, ngamuk) wenang warga Desane elun sergep gegawanya.
  - e. a. tulud bulus nyambung banban : geni bhaya
  - f. 5 kelentungan banban : embas putra
  - h. Nang ting/nyangsih : bulan kapangan, surya gra
- (4) Tengeran kulkul wali ring kahyangan ngawit saking pe ngastawan jro Mangku (sang sulingih) rawuh sapuputing pengastawa, kulkule kasuarayang negteg utawi nyangsih,
- (5) Yan sinalih tunggil Krama Desa nepak kulkul melarapan tan saking pituduh prajuru Desa/ Banjar, wenang sang nepak katibenin pamidanda manut pararem.

- (1) Paruman ring Desa Adat Tegallantang luwire :
  - a. Paruman Desa/ Banjar
  - b. Paruman Prajuru
- (2) Sahaning paruman sida lumaksana yan sampun matengeran suaran kulkul katedunin olih sang patut nyarengin bilih langkungan ring atenga, mabusana adat madya tur ten kalu gra makta gegawan, masuwara gora utawi biyota :
- (3) Kadulurin antuk nyakcak sep-sepan :
- (4) Sahaning pamutus mangda kautsahayang gilik saguluk beriak sapanggul prade tan prasida suwarane makehan sinanggeh pamutus
- (5) Ring sahananing paruman wenang kamenggala antuk pengar cana ring ida Mangawan Panyarikan maserane Widhi Widana ,, Cane ,,

- (1) Paruman Desa patut kawentenang a sasih sapisan, utawi pad<sup>u</sup>stakala manut wiguna
- (2) Ritetkala Paruman Desa Patut kasobyahang minekadi :
  - a. Munjuk lungsuring Krama
  - b. Sulur Artha brana Druwen Desa
  - c. Rencana utseha Prajuru kapungkur
  - d. Sahanan wicara saha pamutusnya
  - e. Pamutus paruman Desa sinanggeh pararem ~~haka~~ pamitegep Awig -awig

## D. TELAJAKAN PURA :

1. Simelis tujjio kerum. Enne ngayse tanel telajiles, Desa pated ngawantana<sup>1</sup> palis piranglem seling kerum Desa.
- ⑤ Mulya ngawantana pailletas indile gelala lan pengalga

## F. ANGKONG :

1. Keanggetas 5. Myle luy maurit seling kerum Desa
2. Pak-pakas selche Myle luy :
  - a.  $\frac{1}{3}$  katur ring Desa Pakrama
  - b.  $\frac{2}{3}$  katur ring keranggen pengayun lan anggeto selche.

## H. UTEMATA DESA (LPD)

PAWOS 20

b. UURAN KRAMA DESA ADAT :

E. UURAN PIDOLAN :

- 3 hari setelas parung panelas pidolalan, ngum nenta naur kawantana, peramparan

F. UURAN WAWANGUMAS :

- ngum nenta kerum sama nenta nam ping 3 kawantana pawanngsit.
- 3 hari setelas ada pawanngsit nenta taler nedum jaga kamargian peramparan

Pawos 18

- (1) Prajuru Desane patut ngawentenang paruman sanistanya ngasasih sapisan
- (2) Paruman prajuru kawenangan wantah ngarincikang usaha miwah pangerencana kaka luwire
- (3) Pamutus paruman Prajuru tan wenang kalaksanayang sadurung kapikukuhin antuk pamutus paruman Desa.

Palet 5

Indik Druen Desa

Pawos 20 (9)

Sane kasinanggeh Druen Desa Adat Tegallantang kadi ring sor :

- a. Kahyangan Tiga luwire :
  1. Pura Desa
  2. Pura Bale Agung
  3. Pura Dalem
  4. Pura Prajapati
- b. Pratima Panyiwian
- c. Setra
- d. Tanah Palinggeh pura lan Telajakannya
- e. Tanah Palaba Pura
- f. Lelanguan/tetangguran ( Angklung )
- g. Piranti - piranti
- h. Usaha Desa

Pawos 20

- (1) Piilih - olihan Desa Adat luwir ipun :
  - a. ~~Pilih~~ <sup>Pilih</sup> saking palaba pura
  - b. Urunan Krama Desa Adat .
  - c. Paica saking Guru wisesa .
  - d. Paica/aturan ~~gawosan~~ sane patut .
  - e. Piilih-olihan saking usaha Desa / LPD

- (2) Pikolih lan pamupon Druwen Desa Kaanggen prabeaya odalan tur sahananing wewangunan ring pura
- (3) Tan kalugra ngadol, ngadeang, makidihang utawi ngeshang padruwen Desa ~~Jan~~ tan kasungkemin olih Krama Desa

Pawos 22

- (1) Sahananing padruwean Desa Adat inucap ring ajeng patut kapiara/kapahayu olih krama Desa manut kawigunanipun
- (2) Sahanan padruwean Desa Adat inucap dados kaanggen olih Krama Desa manut kawigunanya
- (3) Druwen Desa patut kaunggahang ring ilikita padruwean Desa Adat olih prajuru.

Palet 6

Sukerta Pamitegep

Kaping 1

Karang, Tegal lan Carik

Pawos 23

- (1) Sahanan Krama Desa patut ngawatesin karangnya sawong-sawong antuk tembok/pagehan nyantos sida trepti nyatur Desa
- (2) Wates karang sawong majepitan patut kategen antuk Krama magaleng kahulu (kaler miwah kangin)
- (3) Yan wates tegal utawi carik magaleng ka teben, manut dresta
- (4) Yan prade wenten wates ngalikadin patut katepasin olih Prajuru, yan pada arsa kangkat ngangge patok sang ngawiwenang
- (5) Prade wenten karang kabebeng/embat patut kautsahayang wenten pamarginya.

→ 19/2-01

Pawos 24

- (1) Sinalih tunggil Krama Desa tan kalugra :
- a. Ngalah-alah margi, karang ayahan Desa karang/tegal druwen Desa
  - b. Ngalah-alah linggih kahyangan, tegak setra, lan sekancan genah sane kasinanggeh suci.
- (2) Prade wenten sakadi sinurut ring ajeng, sang ngalah-alah inucap patut ngawaliang, tur katibenin pamidanda manut pararem. Yan tanah inucap kasinanggeh tanah suci kadulurin pamidanda panyangaskara sepatutnya.

Kaping 2

Pepayonan

Pawos 25

- (1) Tatanduran tanem tumbuh patut katandur adapasung (2 m) nga jeroang saking wates
- (2) Yan wenten pepayonan naonin ring karang sewosan wenang kapalungguhan tur katibenin panyepet gantung olih Prajuru Desa
- (3) Yan wenten tanem tumbuh sane pungkut tur ngerusak tetangan ring karang sewosan sang maderwe taru inucap patut katibenin pamidanda saha luwire :
- ngupakara karang inucap tur ngawaliang wit sane karusak
- (4) Krama Desa sami patut ngawerdiang tanem tumbuh sane ngawinang Desane makanten asri

Kaping 3

Wewangunan

Pawos 26

- (1) Nyabranmakarya wewangunan patut :
- a. Masadok ring prajuru, kapingajeng prade wewangunan inucap nganinin wates pakarangan
  - b. Sahanarin wewangunan tan dados nyayubin kapisaga
- (2) Yan tetangunan inucap temboknya ring telenging wates wenang toyan cacapannya kasbangin.

Kaping 4

Wewalungan

Pawos 27

- (1) Sahananing wewalungan patut magelogor, mategul mangda tan ngarusak karane/abian bilih-bilih ngaletihin kahyangan
- (2) Yening wenten wewalungan ngeleb, wenang keni pamidanda manut pararem
- (3) Yan prade kantong mamurug katiwakin denda tiltilan
- (4) Sang amati-mati wewalungan keni pamidanda ngawaliang wit
- (5) Yan wewalungan inucep ngranjing ring Kahyangan sang madrbe katiwakin pamidanda : upakara prayascita sapatutnya

Kaping 5

Bhaya

Pawos 28

Parindikan

- (1) Parindikan
  - a. Jiwa Bhaya
  - b. Artha bhaya
  - c. Geni bhaya
  - d. Duracera ring Agama
- (2) Sang uning kawentenan Bhaya ring wewidangan Desa Adat patut Pramangkin atur uninga ring Prajuru, sangkan pituhuh prajuru raris nyuarayang kulkul sakadi kasurat ring ajene
- (3) Yening waraga wenten sane kaicalan tur jaga maseserep ka dura Desa patut nunas kabebasan ring prajuru Desanya
- (4) Prajuru inucep ngicen panuntun mangda saserep manut dresta.

Kaping 6

Panyanggeran Banjar

Pawos 29

- (1) Krama Desa Adat rikala ngawentenang karya suka duka wenang kasanggara oleh krama Banjar (Banjar Suka duka).
- (2) Pangrombo utawi karya suka duka Krama mantuke ring sang madruwe karya manut pararem
- (3) Taler ring pangangun Krama Banjar manut pararem

SARGA IV

SUKERTA TATA AGAMA

Palet 1

Indik Dewa Yadnya

Pawos 30

- (1) Prajurune patut ngenterang warga/krama Desa ngamangge hang kasucian Kahyangan
- (2) Pelinggih Panyiwian sawawidangan Desa Adat Tegallantang luwire :
  - a. Pura Puseh
  - b. Pura Desa Balu Agung
  - c. Pura Dalem
  - d. Pura Prajapati.

↳ Tasa krib mona le Pura.

- (3) Rahina piodalan ring Pura inucap kadi ring sor :
- a. Ring pura Dalem/Prajapati rahina Anggara Kasih Julungwangi
  - b. Ring Pura Desa/Bale Agung/Puseh rikala Buda Umanis Wuku Medangsya.
- (4) Pengaci ring Pura inucap manut kecap sastra Agama saha kalaksanayang nista, Madia, Utama nganut kawentenan lan pararem
- (5) Ring sowang-sowang Pura patut kaadegang Pamangku Pura sane योग्या pacang ngenterang sahananing yadnya ring Pura.

Pawos 31

- (1) Sane patut kasudi dados pamangku
- a. Mawiwit sakeng katurunan, oka utawi warih pamangku let
  - b. Kacatri / kasudi olih Krama Desa Adat.

- c. Nunas Wara Nugraha swecan Ida Bhatara (nyanja)
- (2) Sane tan kawenang angge Pamangku luwire :
- a. Wong cedangga, luire peceng, perot, cungh, lsp
  - b. Tan kararemin olih Krama Desa Adat
  - c. Sane madruwe kasucian urip tan becik
- (3) Prebea Kapamangkuan :
- a. Adiksa widhi (Pawintenan) kalaksanayang olih Krama Desa Adat
  - b. Mapitrayadnya piwekas prade kulawarga pemangku inucap tan mepesidayang patut kasungkemin antuk krama Desa Adat, sanistaniya brahmaprayascita panyanggranya manut pararem Desa.
- (6) Pamangku patut ngemanggehang sesananing pamangku, luire :
- a. Ambek dharma sadu
  - b. Asewaka dharma, makadang sastra utama
  - c. Tan wenang salab sulub
  - d. Tan pati pikul-pikulan
  - e. Tan ngranjing ring umah wong banija karma
  - f. Tan ngranjing ring umah wong dratikrama
  - g. Tan atayub ring tarub camara yudha
  - h. Tan wenang adajuden
  - i. Tan amangan muwah anginum sahananin ngawe mada
  - j. Tan griganing wong akweh
  - k. Tan parek ring naya dusta
  - l. Tan keneng cintakaning wong len

Pawos 32

Swadarmaning Pamangku.

- a. Ngenterang sahananing Upacara piodalan ring Kahyangan muang yadnya sewosan
- b. Ngastaawayang/ngokasang tatkala wenten krama pacang gaturang punia, panauran utawi nunas paneduhan ring Pura.
- c. Pamangku wenang nyiratin para Krama miwah pamedek sami riwas muspa
- d. Mungguhahang lan nedunang Pralingga utawi ngiyasin, makeni raja pangangge ring palinggih-palinggih panyiwian pajenengan.

Pawos 33

- (1) Yan wenten pamangku keni ujar ala, ulah ala pamangku inucap wenang kaprayascita kasepuh olih Krama Desa
- (2) Sang maweh ujar ala, ulah ala katiwakin pamidanda manut pararem Desa Adat.
- (3) Sahaning Pamangku yang kabuktiang amungpang laku, nyasar ring sesanan Pamangku tan wenang kasepuh, Krama Desa patut nunasang ring Sang Sulinggih utawi Parisada Hindu Dharma Indonesia.
- (4) Sahaning aturan sesari, artha laluwesan, mule-mule miwah sane sewosan patut kaanggen ring Pura manut kawigunaan lan tatujonnya.

Pawos 34

Olih-olihan Pamangku kadi ring sor :

- a. Polih pah-pahan sesari manut pararem.
- b. Patiyas sewosan saking Krama Desa manut pararem.

- c. Polih pahan saking pamupon palaba Pura manut pararem.
- d. Pangangen Pamangku arangsukan ngawarsa lanang istri.

Pawos 35

Ngentosin Pamangku :

- a. Jro Mangku seda.
- b. Pinunas ngaraga saantukan yusa (werda)
- c. Pastika amungpang laku tur ninggal sesana Kapamangkuan.

Pawos 36

Kasukertan Kahyangan kadi ring sor :

- a. Tan kalugra ngranjing ka Pura luwire :
  - 1. Sang katiben cuntaka.
  - 2. Makta sahananing barang sane kasinangguh lateh.
  - 3. Sato agung sajawining ritatkala mapepada.
  - 4. Mabusana sane tan manut ring tata caraning ngranjing ka Pura.
- b. Pratingkahe tan wenang ring Pura :
  - 1. Masumpah (oor) sajawaning pituduh Prajuru Desa.
  - 2. Majajal/magerengan bilih-bilih ngamedalan rah.
  - 3. Mawarin, masanggama, mabacin, makolem lanang istri dados asiki, nyangsang busana, menehin pusungan, macecepin rare.
  - 4. Munggah tedun palinggih sajawaning pituduh prajura.
- c. Yan mamurug kecape ring ajeng wenang keni pamidanda prayascitta manut panikan sang sulinggih.

Pawos 37

- (1) Yan wenten jadm karawuhan ring Pura, kengin kepintonin prade rumasa kasangsayan. Yan tan yukti/pastika karawuhan, jadm inucap patut keni kasisipan manut parerem.
- (2) Prade Kahyangan katiben durmangala, minakdi bhaya sang uning ring bhaya inucap patut masadok ring Prajuru Desa tur digelis Prajuru/Krama ngawentenang pemrayascita sapatutnya.

Pawos 38

Tan keneng cuntaka :

- a. Sang sulinggih
- b. Pamangku Kahyangan Tiga
- c. Prade rikala piodalan, pamangku sampun ngayah ring Pura, raris wenten kulawarganya seda, pamangku tan keneng cuntaka, sakewanten pamangku tan budal salami piodalan.

Palet 2

Indik Rsi Yadnya

Pawos 39

- (1) Sang pacang mapudgala/andwijati sadurungnya patut :
  - a. Polih panugrahan saking Parisada Hindu Dharma Indonesia maka cihna sang pacang mapudgala sampun putus katitenin katureksa indik sahanan kawentenan/pangweruh swang pawonganya, tan ngalemasin kadi kecap ring sastra Agama.
  - b. Taler patut wenten sadok ring Prajuru Desa.

- (2) Prajuru Desa patut nureksa mungging kawentenan angga lan laksana sang pacang mapudgala mangda jati-jati tan lempas ring sastra Agama.
- (3) Yan prade lempas ring kecap sastra Agama prajuru wenang ngandeg.
- (4) I Prajuru wenang nyobyahang mungging parab Ida ri sampun kapica olih sang Nabe.

Pawos 40

Ida sang sulinggih sane kandegang antuk Kram Desane wenang :

- a. Upacara Padiksan, patiya-tiya Ida ri wekas kalaksanayang elih Krama.
- b. Pinaka panuntungan pamuput sahananing yadnya ring Kahyangan utawi upacara Krama Desa sewosan.
- c. Krama Desa ring singgih linggih Ida patut ngaturang Pangresi Bojana utawi punia.

Pawos 41

- (1) Krama Desa katuntun olih I Prajuru wenang nitenin pamargin sang muput yadnya mangda sahanan yadnyane manut sakadi kecap Aji Agama.
- (2) Yan kabuktiangsang Wiku nyasar laksana Prajurune patut nuna ang ring naben Ida utawi ring sang wenang mawosin (Parisada Hindu Dharma Indonesia).
- (3) Tatiwake ring ajeng pinaka Pamutus sane pastika.

Palet 3

Indik Pitra Yadnya

Pawos 42

Indik pamergian Pitra Yadnya madudawap manut sakadi ring sor :

- a. Upakara ring sang kalayu sekaran (seda) :
  - a. Mendom utawi mageseng makaciri pakingean ring Ibu Pertiwi/Bhatara Brahma.
  - b. Upakara palebonan (atiwa-tiwa)
- b. Upacara palebon mawastu munggah daun bingin.

Pawos 43

Swedarmaning I Krama Desa/Banjar Adat yan sinalih tunggil warga Desa seda :

- a. Kulawarga sang kalayu sekaran patut masadok ring kelihan Banjar
- b. Kelian Banjar maritatas pamergin sang kaduhkitan
- c. Ixode jaga kapendem raris kawawayang kulkul olih Prajuru utawi wakilnya
- d. Panyangran Krama salanturipun :
  1. Sowang-sowang Krama ngamedalang patas manut pararem.
  2. Ngaryanin piranti utawi eteh-ete sawa.
  3. Sasi Krama Banjar nganter ke setra jantos puput mapendem.
- e. Yening wenten sinalih tunggil rare lampus dereng kepus odel mapendem premangke, tan ngetang dewasa.
- f. Yan sang maddrewe sawa kakawetan taler kalugra mendem makingsan premangke, saha upacaraanya nganutin panugran sang wenang (sulinggih).

- g. Tan kalugra nginepang bangbang tur mendem rikala :  
semut sadulur, kala gotongan, was panganten, lan  
sapunungilannya.
- h. Prade wenten kalayu sekaran tatkala piodalan, kengin  
pendem tanpa sadok tur memargi rikala wengi, tan  
nyuwarayang kulkul (sesiliban).

Pawos 44

- (1) Yan wenten warga Desa lampus salah pati, ulah pati,  
kapangawan wenang kaprateka sakadi mati bener, maweweh  
pangulapan ring genahnya seda.
- (2) Yan seda sedeng mobot upakara pamendeman kalaksanayang  
risampun bobotannya embas, mangda bobotnya gelis embas  
sawa inucap kesiram toya nyabran rahina antuk sang  
madruwe sawa utawi tata cara tiyos manut pabuat.
- (3) Ri sampun bobotan embas sawan sang rare kaambil tur  
kapendem ring setra bajang maduluran upacarannya.
- (4) Yan wenten sinalih tunggil warga seda ring tegal miwah  
carik sang maderbe kapatutan wenang ngelaksanayang  
pamrayascita ring genah inucap manut sastra Agama, tur  
kalaksanayang sadereng liwat 42 rahina.
- (5) Prade wenten wang dura Desa matempung ngaben/mendem  
keni pananjung batu, agung alitnya manut pararem.
- (6) Sahananing aturan ring Pura Dalem sane mawiwit saking  
Pananjung batu, panukun setra, panebus atma,  
pangungkab lawang patut dados druwwen Desa.

Palet 4

Indik Manunas Yadnya

Pawos 45

- (1) Manusa Yadnya inggih punika sahananing upacara darmaning manusa ngawit saking patemoning kama bang lan kama petak sajeroning garba ngantos lampus riwekas.
- (2) Upacara-upacara inucap nista, madya, utama manut sastra Agama saha Catur Dresta.

Palet 5

Indik Bhuta Yadnya

Pawos 46

- (1) Sane kabawos bhuta yadnya : sahananing upacara pabyakalan ring Fertiwi lan Kahyangan, sarwa prani, sarwa bebutan miwah piranti.
- (2) Upacara ring sarwa prani lan piranti, luwire :
  - a. Ring sarwa tumuwuh-tumpek Wariga.
  - b. Ring sarwa ingon-ingon/ wewalungan - tumpek uye.
  - c. Ring sarwa lelandep - Tumpek Landep.
  - d. Ring sarwa reringgitan - Tumpek Wayang.
  - e. Ring sarwa lelanguan - Tumpek Krulut.
  - f. Ring sarwa siandana - Tumpek Kuningan.
- (3) Upacara Pabiyakala ring pertiwi, Kahyangan lan sarwa Bhuta kabawos macaru luwire :
  - a. Eka sata
  - b. Manca sata
  - c. Manca sanak
  - d. Rsi Gana
  - e. Tawur Agung
  - f. Manca Kelud

- (4) Sejabana punika wenten upacara :
- a. Yadnya sesa (masniban/ngejot wus maratengan)
  - b. Masapu-sapuh rikala pacang wali ring Pura.
- (5) Malih sajabana munggal ring ajeng taler wenten pakala-kalaan manusa manut widana kabawos pabyakala.

Pawos 47

- (1) Nyabran ngawarsa nemoning tilem ka sanga kawentenang Tawur kasanga kalanturang ngarupuk, makacihna pamapag rahina Nyepi.
- (2) Ring Pempatan Agung kamargiang Pacaruan jagat, ageng alit pangambile nganutin Desa, Kala, patra.
- (3) Sorenya ngamargiang pangrupukan, mabuwu-buwu, Pangrupukan tan mari kaanterang antuk I Prajuru mangda tan jantes ngawetuang bhaya/byota.
- (4) Ring rahina Panyepian patut ngamargiang brata Penyepian/catur brata manut Agama.
- a. Amati geni.
  - b. Amati karya.
  - c. Amati lalungan.
  - d. Amati lelanguan.
- (5) Paberataan inucap kamargiang sakeng semeng nyantes semeng benjangne raris kasuarayang kulkul pinaka cihna pangembak.
- (6) Riwus rahina Nyepi (benjangnya) maka cihna pangawit isaka warsa, warga Desa sawang-sawang ngalaksanayang Dharma Shanti.

SARGA V  
SUKERTA TATA PAWONGAN

Palet 1

Indik Pawiwahan

Pawos 48

- (1) Pawiwahan inggih punika Panunggalan Purusa lan Pradana (lanang istri) malarapan Suka lila kadulurin antuk uapsaksi sakala lan niskala.
- (2) Pamargin Pawiwahane ring Desa Adat Tegallantang ngamanggehang Kapurusa.
- (3) Pamargi Pawiwahane kapalih dados 3 soroh, luwire :
  - a. Iepadika, kamanggala antuk Pakrunan.
  - b. Ngrangkat/ngerorod, mamargi rihin raris kakrunayang
  - c. Nyeburin.
- (4) Pidabdab sang pacang mawiwaha, luwire :
  - a. Sampun munggah taruna/daha.
  - b. Sangkaning pada aris/sukalila.
  - c. Nganutin kecapin Agama (tan gamya gamana).
  - d. Mangda nganutin daging Undang-undang sane kamanggehang antuk Guru Wisesa.

Pawos 49

- (1) Pawiwahan sane sampun puput kabawes syah/patut :
  - a. Sampun mawidi-widana sanistaniya pabyakalaan.
  - b. Sampun kasaksiang olih I Prajuru.
  - c. Pamargin pawiwahannya sampun nganutin pidabdab pawiwahan ring Desa Adat.
  - d. Sampun kamanggehang ring ilikita Banjar swah Dinas sewosan.
  - e. Sampun matengeran suwaran kulkul.

Pawos 50

- (1) Sang lanang yogya merabi adiri, sejawaning wenten pasubayan kawehin antuk rabine pinih rihin, ping kalih manut sakadi Undang-undang Guru Wisesa.
- (2) Yan wenten jadma bajang mobot patut digelis kasadokang ring Prajuru tur kasakapang marep sang mobotin. Prade sang mobotin tan manut, wang inicap wenang keni pamidanda manut parareman, miwah katurang ring sang ngawewenang.
- (3) Yang tan wenten sane ngangkening bobotan inicap sang kapatut wenang ngupacara sang mobot, manut sakadi kecaping Agama.
- (4) Yan merangkat ngambil ngunggahang wangsa manut dresta wadone patut kaupakara patiwangi kotadya antuk Prajuru, wadone kapegatang wangsa wus punika wawu madyakala lan selanturnya arahan Parisada Hindu Darma Indonesia ditiadakan.
- (5) Prade pangambile tyos Agama patut kadulurin antuk Budhi Wadhani.

Pawos 51

Tatacaraning parabian patut sakadi ring sor :

- a. Sapa sira ugi pacang ngawarangang pakulawargaan patut masadek ring prajuru, salanturnya prajuru maritatas manut tan manut kakecap parabiane.
- b. Pamargin pepadikan manut dudonan :
  1. Pakrunayan jantos ping tiga, saha soang-soang malarapan :
    - a. Kepertama antuk canang :
    - b. Kaping kalih antuk canang :
    - c. Kaping tiga antuk canang, kabawa pamuput papadikan.

2. Risampun pamragat raris sang istri kaajak budal ring pakubon sang lanang, saha kalanturang antuk pabiyakala.
  3. Mangda pragat tumus sakala niskala, raris kulawarga purusa makta pajati ring merajan wadone.
- c. Prade ngarorod/ngarangkat patut :
1. Reraman lanange ngawentenang pamilaku antuk dutta sakirangnya kalih diri.
  2. Pagenahan antene tan kengin ring pakubon sang lanang sadereng pabiyakala.
- d. Sajeroning pakrunayan/pangalukuan patut :
1. Kamanggala antuk geng pangampura arep ring reraman wadone.
  2. Kaigumang bawos idih-pakidih utawi palegayang arep ring pasewakan sang ngidih saha dewasa pakerab kambeane riwekas.
  3. Kacihnayang indik kapurusa utawi prade sentana rajeg kajejerang kapatut ngidih anak lanang sane kabawos pawiwahan nyeburin.
  4. Prade tan terima pejati, pakrunayan kamargiang jantos ping tiga.
- e. Pakerabkambean mapiteges upacara tinas apadang (puput) mapikuren, duwaning manut sakadi ring ser :
1. Sajeroning kabawos ambe, kalaksanayang ring sakala niskala antuk serana jejauman miwah pawidiwidana :
    - a. Jejauman pinaka ngambe/ngadungan kayun seang-seang pakulawargaan wadone.
    - b. Widiwidana pinaka pejati niskala nunas wadone ring pamerajan kamulannya.

2. Sajeroning bawos kerab pelaksana ring sakala :

- a. Antuk penyaksi Krama Banjar, duwaning kakarabiang antuk tengeran kulkul.
- b. Pamekas panyaksi Prajuru sane ngilikitayang

Pelet 2

Indik Nyapihan

Pawos 52

- (1) Sang wus marabian, mawiwit palas tan sida adung alaki rabi, kabawos Nyapihan, yan, yan wus marabian sangkaning kapade man kabawos balu
- (2) Sang ayat pacang nyapihan, patut atur supeksa ring sang rumawos. Wastu tinas apadang kabawos nyapihan, wawu Prajuru nyobyahang ring Krama Desa.

Pawos 53

Tatacara palas parabian :

- a. Nawur prabea pasaksi sindih tunggil sami matenga.
- b. Paguna kayan polih pahan pada
- c. Pabekel, tadtadan soang-soang kakuasa niri-niri miwah warisan kakuasa antuk purusa
- d. Ngaweruhin miwah ngupajiwen pratisentana manut swadarma ning guru rupaka
- e. Nawur pamidanda panumbas suaran kulkul manut perarem
- f. Ngelung jinah logika
- g. Palas parabiane sami patut kadulurin antuk upakara saha widiwidana mesamsam ring pura Desa Bale Agung manut ring kecaping aji agama.
- h. Kelian Banjare ngunggahang ring pangilikita saha nyobyahang ring paruman

Pawos 54

Prade riwekas sang palas kacihnan adung malih, patut :

- a. Ngalaksanayang pawiwahan malih
- b. Kadanda nikel saking palase
- c. Prade palas ping kalih tan dados adung malih

Pawos 55

(1) Sang balu kabinayang dados :

- a. Balu luh wit sentana (sentana rajeg) miwah balu luh boya setana
- b. Balu muani kapurusan (witsentana) miwah balu muani nyeburin (boya sentana)

(2) Swadarmaning balu inucep patut :

- a. Ngamanggehang patibrata tan kengin ngamargiang paradara drati krama
- b. Nguwasayang saris pagunakaya, tan dados ngadol, ngade ang, makidhang lan sewosan punika, sajawaning kababe sang saking pianak utawi kulawarga pinih tempek saking kurenannya prade pianak ketun elit-alit
- c. Kengin ngidih sentana prade wenten pidabdab sadurung sinalih tunggil padem, saha kabebasang antuk kulawarga singgih kapurusa
- d. Kawenangang mawiwaha malih, prade wenten kabebasang manut aksara ring ajeng.

Balu kaucep tan pageh Radas Dyang sor :

- a. Drati krama utawi paradara
- b. Matilar saking pakubon tan pasadok jantos enem sasih.
- c. Lempas ring swadarma sewos-sewosan, tan prasida ngehehin solah maprewerti arep ring pituduh kulawarga purusa sane becik tur p... t.

Palet 3

Indik Sentana

Pawos 57

- (1) Sentana kajilih dados 2 soroh :
  - a. Sane metu saking pawiwahan sane sampun kacinayang syah
  - b. Sentana malarepa antuk peperasan
- (2) Tan dados ngidih sentana jadma sane sampun tedun .  
makrama
- (3) Yan wenten krama sinalih tunggil ngidih sentana papera:  
san sadurunge patut ngawentenang pasadu ring para kula  
warga warisnya, miwah ring Prajuru Desa Adat sanis tane  
3 sasih sadurung pemerasan
- (4) Yan wenten kulawarga waris sane kababatan mangda masa  
dok ring Prajuru masenger 2 wuku ( 14 rahina ) sabanen  
panemaya pemerasan
- (5) Prajuru wenang ngicenin tatepasan manut sakadi pararem
- (6) Ri sampun puput galang apadang wawu pemerasan kamargiang
- (7) Kelian Banjar patut nyobyahang ring wawidangan Desa  
kalihngunggahang ring ilikitane

Pawos 58

- (1) Sane patut keanggea sentana :
  - a. Krama sane magama Hindu
  - b. Kulawarga saking purusa
  - c. Papernahan nedunang saking sane pacang meras.
  - d. Yan tan wenten sekadi kecap ring ajeng, kadadosang saking  
wadu-prede tan wenten kengin manut sasudian sang maras  
( tunggal dadja) taler tan wenten dados sekama-kama(saking  
kayun) sakewanten magama Hindu.

Pawos 59

- (1) Swadarmaning sang meras sentana pateh sekadi  
swadarmaning Guru Rupaka
- (2) Sang kaadegang sentana wenang ngawutin swadarmaning  
Putra Sesana
- (3) Yan sinalih tunggil lempas ring swadarmanya Sowang -  
sowang wenang lunas tatepasan ring prajuru utawi  
ring sang rumawos

Palet 4

Indik Warisan

Pawos 60

- (1) Sahananing tatamian arta brana pusaka saha ayah-  
ayahan ngupadi kasukertan skala niskala saking  
kaluhurannya kabawos warisan
- (2) Sane kaucap warisan inggih punika :
  - a. Tanah padrewean saking kaluhurannya
  - b. Paguna kayan, jiwa dana, tadtadan
  - c. Utang piutang

Pawos 61

- (1) Sane kamanggehang ahli waris :
  - a. Preti sentana purusa
  - b. Sentana rajeg
  - c. Sentana saking paperesan
  - d. Rerama dia ( Paman )
  - e. Turunan kesamping minakadi misan utawi mindon
- (2) Swadarmening ahli waris kedi ring sor :
  - a. Nyelosin ayah Pawaris
  - b. Ngarempon Kahyangan Merajan/Pura saha upakaranya.
  - c. Ngalaksanayang sahananing Upakara Pitra Yadnya Pawaris.
  - d. Nangga saha naur utang piutangnya.

Pawos 62

- (1) Yan artha brana warisan jaga ke pah sadurungnya wenang :
  - a. Muputang pitra yadnya pawaris
  - b. Nawurin sahanan utangnya
  - c. Nyelidihinin sahanan ayah - ayahan
- (2) Tetinggalan gunakayannya kapah pada olih ahli waris purusa utawi manut paguman
- (3) Sentana sane meninggal kedaton tan wenang polih pah-pahan
- (4) Sane mulih deha/waruna miwah sentana pradana sadurung mawiwaha taler tan polih pah-pahan sakewanten polih muponin pah-pahan.

SARGA VI

WICARA LAN PAMIDANDA

PALET 1

Indik Wicara

Pawos 63

- (1) Sane madrebe kawenangan mawosin utawi ngincenin Pamutus ring sehananing wicara :
  - a. Kelian Banjar yaning sang mawicara tunggaling Banjar.
  - b. Bendesa Adat yan sang mawicara matiosan Banjar.
- (2) Yan pamutus sang kalih inucap ring ajeng tan prasida kacumponin ring sang mapinunas bawos, patut kalanturang ring Guru Wisesa/sang Rumawos.

Pawos 64

- (1) Sehananing wicara sane mawiwit saking laksana corah, miwah sinaggeh nungkasin sadaging awig-awig miwah Pararem patut digelis kabawosin tan nyantos pasadok.
- (2) Sajaba wicara kadi ring ajeng wenang nyantosin pasadok saking sang nunas bawos.

Pawos 65

- (1) Sahanan wicara patut ketepasin jantes pastika patutnya malarapan antuk Tri Pramana (Bukti, Saksi lan Ilikita).
- (2) Pamutuse tan maren nepek ring Catur Dresta (Sastra, Purwa, loka lan Desa Dresta).
- (3) Patitis sehananing Pamutus :
  - a. Mangda uning ring wewatosan iwang-patut.
  - b. Sang iwang magda pastika ring iwangnya.

- c. Nyapsap sahaning pamineh mamusuh - musuh.
- d. Lila legawa ngicenin pangampura ring sang iwang.

Palet 2

Indik Pamindanda

pawes 66

- (1) I Prajuru Adat miwah Banjar wewang niwakang pamindanda ring sehananing Krama sane sisip (iwang).
- (2) Ageng-alit pamindanda manut sakadi pararem tur masor singgih manutin iwangnya.
- (3) Bacakan pamindanda luwire :
  - a. Ayah panuku kaselipan
  - b. Danda arta
  - c. Panikel Urunan utawi dadandan.
  - d. Pangupakara/Panyangaskara.
- (4) Rerampasan, katiwakang ring sinalih tunggil krama sane negung uruhan langkungan ring tigang (3) sasih.
- (5) Tata cara rerampasan sakadi ring sor :
  - a. Kadulurin Pasadok Prajuru ring sang karampas.
  - b. Klakeananyang antuk Kelian kasarangin olih krama Pinaka saksi sakirang - kirangnya 2 diri.
  - c. Barang-barang sane karampas manut ring agung-alit utang sang karampas tur pongambilanya majalaran antuk darsana.
  - d. I Prajuru (Kelian) digelis ngicenin Pamiteket, mangda barang rerampasan punika katebus manut sengker, yan sejroning sengker barang inucap tan katebus janten barang-barang kalelang.
- (6) Sahananing barang-barang sane kainggilang manut Agama Utawi ngumademang pangupajiwa tan dados karampas.

- (7) Rerampasan tan kapatut yan kantes mademang usaha/pangupajiwa sang karampas.

SARGA VII

Nguwah-nguwuhin Awig-awig

Pawos 67

- (1) Yan pacang nguwah-nguwuhin awig-awig desa wenang kalaksanayang antuk Paruman Desa Adat
- (2) Paruman inucap kadasarin antuk gilik saguluk, mandaar pawilangan suara kadi ring sor :
- a. Kalih pahan krama Desa sane nedunin ring paruman Desa.
  - b. Suara sane kamanggahang pamutus paruman yan sampunkalih pahan krama sane nedunin pada igum.
  - c. Yan sane sinurat ring ajeng (b) tan prasida mamargi, pemutus paruman kaambil saking suarane makwehan.
- (3) Awig-awig puniki kalaksanayang ngawit saking kararemin olih krama Desa Adat.
- (4) Sakaluwir pamargi sane wenten sadurungnya patut kaanutang ring sadaging awig-awig puniki.
- (5) Sakaluwir pamargi pakraman sane dereng munggah ring awig-awig puniki kalaksanayang manut tata cara sane sampun ketah mamargi tur sampun medasar antuk pararem desa Adat.

SARGA VIII

PAMUPUT

PAWOS 68

- (1) Awig-awig Desa Adat puniki kareremin duk rahisa soma Paing Kelawu Pang. Ping 2 Sasih Sadha I Caka Warsa 1915 Tanggal Masehi 7 Juni 1993.
- (2) Awig-awig puniki kalingga tanganin olih prajuru Desa Adat miwah Prajuru Dinas Pinaka saksi.
- (3) Luwir sang ngalingga tanganin inggih punika :
  - a. Prajuru Desa Adat ;

1. Bendesa Adat Tegallantang

2. Kelian Banjar Adat

(I Dewa Made Bandi)

(I Made Sudarsana)

b. Kaping kalih Mangkala/Dinas maka saksi

1. Kepala Lingkungan

Tegallantang

(I Made Sudarsana)

2. Lurah Ubud

3. Camat Ubud

(I Ketut Suastika)

(Drs. Ida Bagus Ngurah Gede)

NIP : 010077462

a. Prajuru Desa Adat :

1. Bendesa Adat Tegallantang

2. Kelian Banjar Adat

(I Dewa Made Bandi)

(I Made Sudarsana)

b. Kaping kalih Mangkala/Dinas maka saksi

1. Kepala Lingkungan

Tegallantang

(I Made Sudarsana)

2. Lurah Ubud

3. Camat Ubud

(I Ketat Suastika)

(Drs. Ida Bagus Ngurah Gede)

NIP : 010077462

Mengetahui dan telah dicatatkan

Pada Tanggal : 24 Nopember 1994

Nomor : 9 Tahun 1994

BUPATI KEPALA DAERAH TINGKAT II GIANYAR

TJOKORDA GDE BUDI SURYAWAN, SH